

儒禮尼師今

基臨尼師今

訖解尼師今

三國史記卷第三

新羅本紀第三

奈勿尼師今

實聖尼師今

訥祗麻立干

慈悲麻立干

照知麻立干

三國史記卷第三

翰忠定難靖國資化同德功臣開府儀同三司檢校太師守太保門下侍中判尚

書事兼吏禮部事集賢殿大學士監修國史上柱國致仕臣金富軾奉 宣撰

新羅本紀第三

奈勿尼師今 實聖尼師今 訥祇麻立干 慈悲麻辛

照知麻立干

柰勿那云尼師今立姓金仇道葛文王之孫也

父末仇角干母金氏休禮夫人妃金氏味鄒王

女訖解薨無子柰勿繼之末仇末鄒尼 師柰兄弟也

論曰取妻不取同姓以厚別也是故魯公之取

於吳晉侯之有四姬陳司敗鄭子產深譏之若

新羅則不止取同姓而已兄弟子姑姨從姊妹  
皆聘為妻雖外國各異俗責之以中國之禮則  
大悖矣若匈奴之烝母報子則又甚於此矣  
二年春發使撫問鰥寡孤獨各賜穀三斛孝悌  
有異行者賜職一級

三年春二月親祀始祖廟紫雲盤旋廟上神雀  
集於廟庭

七年夏四月始祖廟庭樹連理

九年夏四月倭兵大至王聞之恐不可敵造草  
偶入數千衣衣持兵列立吐舍山下伏勇士一

于於斧峴東原倭人恃衆直進伏發擊其不意  
倭人大敗走追擊殺之幾盡

十一年春三月百濟入來聘夏四月大水山崩  
十三所

十三年春百濟遣使進良馬二匹

十七年春夏大旱年荒民飢多流亡發使開倉  
廩賑之

十八年百濟禿山城主率人三百來投王納之  
分居六部百濟王移書曰兩國和好約為兄弟  
今大王納我逃民甚乖和親之意非所望於大

王也請還之荅曰民者無常心故思則來斃則去固其所也大王不患民之不安而責寡人何其甚乎百濟聞之不復言夏五月京都雨魚二十一年秋七月夫沙郡進一角鹿大有年二十四年夏四月楊山有小雀生大鳥

二十六年春夏旱年荒民飢遣衛頭入苻秦貢方物苻堅問衛頭曰卿言海東之事與古不同何耶荅曰亦猶時代變革名號改易今焉得同三十三年夏四月京都地震六月又震冬無冰三十四年春正月京都大疫二月雨土秋七月

蝗穀不登

三十七年春正月高勾麗遣使王以高勾麗強盛送伊飡大西知子實聖為質

三十八年夏五月倭人來圍金城五日不解將士皆請出戰王曰今賊棄舟深入在於死地鋒不可當乃閉城門賊無功而退王先遣勇騎二百遮其歸路又遣步卒一千追於獨山夾擊大敗之殺獲甚衆

四十年秋八月靺鞨侵北邊出師大敗之於悉直之原

三國志卷三  
四十二年秋七月北邊何瑟羅旱蝗年荒民飢  
曲赦囚徒復一年租調

四十四年秋七月飛蝗蔽野

四十五年秋八月星孛于東方冬十月王所嘗  
御內厩馬跪膝流淚哀鳴

四十六年春夏旱秋七月高句麗質子實聖還  
四十七年春二月王薨

實聖尼師今立關智裔孫大西知伊飡之子母  
伊利夫人伊一作企昔登保阿干之女妃味鄒王女

也實聖身長七尺五寸明達有遠識奈勿薨其

子幼少國人立實聖繼位

元年三月與倭國通好以奈勿王子未斯欣

質

二年春正月以未斯品為舒弗邯委以軍國之

事秋七月百濟侵邊

三年春二月親謁始祖廟

四年夏四月倭兵來攻明活城不克而歸王率

騎兵要之獨山之南再戰破之殺獲三百餘級

五年秋七月國西蝗害穀冬十月京都地震十

一月無冰



六年春三月倭人侵東邊夏六月又侵南邊奪掠一百人

七年春二月王聞倭人於對馬島置營貯以兵革資糧以謀襲我我欲先其未發揀精兵擊破兵儲舒弗邯未斯品曰臣聞兵凶器戰危事况涉巨浸以伐人萬一失利則悔不可追不若依險設關來則禦之使不得侵猾便則出而禽之此所謂致入而不致於人策之上也王從之

十一年以奈勿王子卜好質於高勾麗

十二年秋八月雲起狼山望之如樓閣香氣郁

然久而不歇王謂是必仙靈降遊應是福地從此後禁人伐樹木新成平壤州大橋

十四年秋七月大闕於穴城原又御金城南門觀射八月與倭人戰於風島克之

十五年春三月東海邊獲大魚有角其大盈車夏五月吐含山崩泉水湧高三丈

十六年夏五月王薨

訥祗麻立干立金大問云麻立者方言謂極也極謂識操準位而置則王極為

三臣極列於下因以名之奈勿王子也母保反夫入一云禮言怖

味鄒王女也妃實聖王之女奈勿王三十七年

以實聖質於高勾麗及實聖還為王怨奈勿質  
已於外國欲害其子以報怨遣人招在高勾麗  
時相知人因密告見訥祗則殺之遂令訥祗往  
逆於中路麗人見訥祗形神爽雅有君子之風  
遂告曰爾國王使我害君今見君不忍賊害乃  
歸訥祗怨之反弒王自立

二年春正月親謁始祖廟王弟卜好自高勾麗  
與堤上奈麻還來秋王弟未斯欣自倭國逃還  
三年夏四月牛谷水湧

四年春夏大旱秋七月隕霜殺穀民飢有賣子

孫者慮囚原罪

七年夏四月養老於南堂親執食賜穀帛有差  
八年春二月遣使高勾麗修聘

十三年新築矢堤岸長二千一百七十步

十五年夏四月倭兵來侵東邊圍明活城無功  
而退秋七月霜雹殺穀

十六年春穀貴人食松樹皮

十七年夏五月末斯欣卒贈舒弗部秋七月百  
濟遣使請和從之

十八年春二月百濟王送良馬二匹秋九月又

送白鷹冬十月王以黃金明珠報聘百濟

十九年春正月大風拔木二月修葺歷代園陵  
夏四月祀始祖廟

二十年夏四月雨雹慮囚

二十二年夏四月牛頭郡山水暴至漂流五十  
餘家京都大風雨雹教民牛車之法

二十四年倭人侵南邊掠取生口而去夏六月  
又侵東邊

二十五年春二月史勿縣進長尾白雉王嘉之

賜縣吏穀

二十八年夏四月倭兵圍金城十日糧盡乃歸  
王欲出兵追之左右曰兵家之說曰窮寇勿追  
王其舍之不聽率數千餘騎追及於獨山之東  
合戰為賊所敗將士死者過半王蒼黃棄馬上  
山賊圍之數重忽昏霧不辨咫尺賊謂有陰助  
收兵退歸

三十四年秋七月高句麗邊將獵於悉直之原  
何瑟羅城主三直出兵掩殺之麗王聞之怒使  
來告曰孤與大王修好至歡也今出兵殺我邊  
將是何義耶乃興師侵我西邊王卑辭謝之乃

歸

三十六年秋七月大山郡進嘉禾

三十七年春夏旱秋七月羣狼入始林

三十八年秋七月霜雹害穀八月高勾麗侵北  
邊

三十九年冬十月高勾麗侵百濟王遣兵救之

四十年春二月大風拔木夏四月隕霜傷麥

四十一年春二月地震金城南門自毀秋八月

王薨

慈悲麻立干立訥祇王長子母金氏實聖之女

也

二年春二月謁始祖廟夏四月倭人以兵船百餘艘襲東邊進圍月城四面矢石如雨王城守賊將退出兵擊敗之追北至海口賊溺死者過半

四年春二月王納舒弗邯未斯欣女為妃夏四月龍見金城井中

五年夏五月倭人襲破活開城虜人一千而去六年春二月倭人侵欲良城不克而去王命伐智德智領兵伏候於路要擊大敗之王以倭人



三國史本紀 三  
屢侵疆場緣邊築二城秋七月大閱

八年夏四月大水山崩一十七所五月沙伐郡

蝗

十年春命有司修理戰艦秋九月天赤大星自  
北流東南

十一年春高句麗與靺鞨襲北邊悉直城秋九  
月徵何瑟羅入年十五已上築城於泥河泥河一名

泥河

十二年春正月定京都坊里名夏四月國西大  
水漂毀民戶秋七月王巡撫經水州郡

十三年築三年山城

三年者自興役始終三年訖功故名之

十四年春二月築亳老城三月京都地裂廣袤

二十丈濁水湧冬十月大疫

十六年春正月以阿含伐智級含德智為左右

將軍秋七月葺明活城

十七年築一牟沙尸廣石沓達仇禮坐羅等城

秋七月高句麗王巨連親率兵攻百濟百濟王

慶遣子支周救援王出兵救之未至百濟已陷

慶亦被害

十八年春正月王移居明活城

十九年夏六月倭人侵東邊王命將軍德智擊  
敗之殺虜二百餘人

二十年夏五月倭人舉兵五道來侵竟無功而  
還

二十一年春二月夜赤光如匹練自地至天冬  
十月京都地震

二十二年春二月三日王薨

炤知一云麻立干立慈悲王長子母金氏舒弗

邯末斯欣之女妃善号夫人乃宿伊伐食女也

炤知幼有孝行謙恭自守人咸服之

元年大赦賜百官爵一級

二年春二月祀始祖廟夏五月京都旱冬十月  
民飢出倉穀賑給之十一月靺鞨侵北邊

三年春二月幸比列城存撫軍士賜征袍三月  
高句麗與靺鞨入北邊取狐鳴等七城又進軍

於彌秩夫我軍與百濟加耶援兵分道禦之賊  
敗退追擊破之泥河西斬首千餘級

四年春二月大風拔木金城南門火夏四月久  
雨命內外有司慮囚五月倭人侵邊

五年夏四月大水秋七月大水冬十月幸一善